


760
031

AWIG-AWIG DESA ADAT KELIKI KAWAN



BANJAR KELIKI KAWAN
DESA ADAT KELIKI KAWAN
DESA KELUSA
KECAMATAN PAYANGAN
KABUPATEN DAERAH TINGKAT II GLANYAR

1996

P I D A G I N G

MAKA BANTANG AWIG-AWIG DESA ADAT KELIKI KAWAN

MURDHA CITTA	1
SARGA I	
ARAN LAN WAWIDANGAN DESA ADAT KELIKI KAWAN	1
SARGA II	
PATITIS LAN PAMIKUKUH	2
SARGA III	
SUKERTA TATA PAKRAMAN	3
Palet 1 Indik Krama	3
Palet 2 Indik Prajuru/Dulun Desa	9
Palet 3 Indik Kulkul	11
Palet 4 Indik Paruman	14
Palet 5 Indik Druwen Desa	16
Palet 6 Sukerta Pamitegep	18
Kaping 1 Karang, Tegal lan Carik	18
Kaping 2 Pepayonan	20
Kaping 3 Wewangunan	22
Kaping 4 Wewalungan	23
Kaping 5 Bhaya	24
Kaping 6 Panyanggran Banjar	26
SARGA IV	
SUKERTA TATA AGAMA	28
Palet 1 Indik Dewa Yadnya	28
Palet 2 Indik Resi Yadnya	35
Palet 3 Indik Pitra Yadnya	36
Palet 4 Indik Manusa Yadnya	42
Palet 5 Indik Bhuta Yadnya	43
SARGA V	
SUKERTA TATA PAWONGAN	46
Palet 1 Indik Pawiwahan	46
Palet 2 Indik Nyapihan	50
Palet 3 Indik Santana	52
Palet 4 Indik Warisan	54
SARGA VI	
WICARA LAN PAMIDANDA	58
Palet 1 Indik Wicara	58
Palet 2 Indik Pamidanda	59
SARGA VII	
NGUWAN NGUNUHIN AWIG-AWIG	62
SARGA VIII	
PANUPUI	63

4111 U 111 11111111
 1111 1111 11111111
 1111 1111 11111111

MURDHA CITTA

AUM. OM

Om. Swastyastu, Om Awighnamastu nama sidham, Putusing Sabha
 Krama Desa Adat Keliki Kawan gumawe Awig-awig Desa Pakraman
 maka siku-siku pamatut, wastu kasidhan prayojanan mamikabeh
 prasama angidep miwah amagehaken kadi linging Awig-awig iki.

S A R G A I

ARAN LAN WAWIDANGAN DESA

Pawos 1

- (1) Desa Adat puniki mawasta Desa Adat Keliki Kawan.
- (2) Desa Adat Keliki Kawan mawates nyatur sakadi ring sor :
 - a. Sisih Wetan Desa Adat Keliki Danginan, tegallalang
 - b. Sisih Kidul Desa Adat Lungslakan
 - c. Sisih Kulon Desa Adat Bayad
 - d. Sisih Lor Desa Adat Kelusa
- (3) Desa Adat puniki kawangun antuk tanah karang ayahan Desa,
 miwah karang guna kaya, carik, lan tegal sane marupa
 paumahan wantah/tunggil Banjar Keliki Kawan, tur kaepah
 dadga a/kasinoman, lumire :
 - a. kasinoman Desa I
 - b. kasinoman Desa II.
 - c. kasinoman Banjar I
 - d. kasinoman Banjar II

S A R G A I I
PATITIS LAN PAMIKUKUH

Pawos 2

Desa Adat Keliki Kawan ngamanggehāng pamikukuh minakadi :

- a. Pancasila
- b. Undangg-undang Dasar 1945 pamekas pasal 18.
- c. Perda Tingkat I Bali Nomor : 06 Tahun 1986.
- d. Tri Hita Karana manut sada cara Agama Hindu.

Pawos 3

Patitis Desa Adat Keliki Kawan :

- a. Mikukuhin miwah ngerajegang Agama Hindu.
- b. Nginggilang tata prawertine meAgama.
- c. Ngerajegang kasukertaan Desa saha pawongannya sakala lan niskala.
- d. Ngerajegang tata Krama pamaksan.

S A R G A III

SUKERTA TATA PAKRAMAN

Palet 1

Indik Krama

Pawos 4

- (1) Sane kabawos Krama Desa Adat Keliki Kawan inggih punika kulawarga sane ngamong karang, maAgama Hindu tur satinut ring sahananing daging Awig-awig Desa Adat Keliki Kawan.
- (2) Sahananing sang madruwe tanah yadiastun wit ngontrak, numbas, sane maAgama Hindu tur jumenek mapauhman ring wawidangan Desa Adat Keliki Kawan, tan kantun kaiket antuk Desa Adat wiwitan ipun patut tedun makrama Desa kariinin antuk pasadok ring Prajuru/Dulun Desa maka sarana sewala patra maka cihna kesah sakeng Desa inucap saha naur Nitha pananjung agung alit manut pararem, tur satinut ring Awig-awig Desa.
- (3) Yaning tan jumenek kené tiga sana nyabran ngasasih agung alit manut pararem.
- (4) Sajaba punika kasinanggeh tamiyu.

Pawos 5

Krama Desa Adat Keliki Kawan kapalih dados :

- a. Krama Ngarep : inggih punika Krama sane mawiwit wed tur patut prasida ngayah mamungkul.
- b. Krama Pangele : inggih punika Krama sane ngarombo krama ngarep, ngarombo ring kahyangan tiga miwah sane sewos-sewosan.

- c. Krama Balu : inggih punika Krama sane pecak katinggalan seda olih lanang utawi istrinyane
- d. Krama Nyapihan : inggih punika Krama sane palas marabian manut pararem.
- f. Krama Tapukan lanang - utawi istri : inggih punika Krama sane pecak katinggal olih yayah/renanya dereng mayusa 17 (pitu las) warsa, utawi dereng mawiwaha, tur rasidayang nganutin krama.

Pawos 6

- Krama Desa Adat keni tategenan, miwah ayahan-ayahan luwire
- a. Krama Ngarep keni peson-peson, lan ayahan mamungkul.
- b. Krama Pangele keni peson-peson, lan ayahan mamungkul ring Pura dalem, Prajapati, Catur Bhuana lan tugu-tugu ring palemahan Desa Adat Keliki Kawan muah sane sewosan manut wiguna.
- c. Krama Ngarep sane Balu utawi Nyapihan keni peson-peson mamungkul, saha ayah-ayahan manut kawenten Balu Inucap.
- d. Krama Tapukan keni peson-peson mamungkul, sakawenten luput sehannaning ayah-ayahan manut pararem.
- e. Prade rikalaning ngayah wenten sinalih tunggil Krama matilar tan pasadok ring prajuru sadurung puput karya wenang krama Inucap keni pamindanda manut pararem, tanjek taler kawastanin.

Pawos 7

Kawit dados Krama Desa Adat Keliki Kawan luwire :

- a. Sangkaning ngamong karang Desa utawi karang guna kaya.
- b. Mawiwit sangkaning pawiwahan.

Pawos 8

Panamaya makrama Desa Adat Keliki Kawan luwire :

- a. Tigang sasih tedun makrama Desa/Banjar.
- b. Nyabran wenten pinunas ngeraga saking jadma pandonan/ tiyosan.

Pawos 9

(1) Krama Desa kadadosang mapuangkid utawi tedun sangkaning:

- a. Maluasang, wantah apisan saantukan sampun dumunan lunga ring sang sane ngicenin arah-arahan makarya.
- b. Sungkan, sakantune sungkan manut pangloika prajuru.
- c. Matepetin manut pangloika Prajuru.
- d. Ngerabin Piasan, Bale, Meten lan Jineng wantah arahina.
- e. Nyuku Pat lan Manca Sata wantah asasih mawi upakara.
- f. Sangkaning kasudi sang ngawerat manut pangloika Prajuru.

(2) Ngarainin alit/agung/melaspas/ngodalin polih pangekeran/laluputan.

(3) Nyada utawi ngamademang ayah risampun mayusa 70 (pitung dasa) warsa tur tan dados nyuksukin saha mangda digelis ngarereh panyaladihi.

(4) Ngentosin ayah utawi ^{Naula}(ngoot) antuk artha brana, saantukan magenah ring dura Desa, matilar sang sane nenten ngayah ngarep sangkaning rahayu, malarapan ngarereh pangupa jiwa

utawi kasudi olih sang angawerat. Indik pamopog inucap manut pararem Desa.

- (5) Nyada/nyuksukin sane kawenangang risampun manggeh dahan teruna, utawi sampun mawiwaha tur mrasidayang nganutin Krama.

Pawos 10

Wusan Makrama Desa Adat luwire :

- a. Sangkanin padem/seda nyamput wenang karang ayahnia kadaut olih Desa prade karang punika karang Desa.
- b. Sangkanin pinunas ngraga malarapan kesah kadura Desa utawi ngalangkungin sagara, yan prade mawali malih, keni batu-batu manut pararem lan tegak.
- c. Sangkaning kanoroyang olih Krama Desa saantukan tan prasida ngentosin solah prawertinnia tur satata nguwig kecaping Awig-awig, nanging dados mawali makrama yaning sampun :
 - 1). Nunas pangampura ring Krama Desa.
 - 2). Nawur panuku ring Krama Desa maduluran panyangaskara.
- d. Mararyan utawi kararyaning olih Krama Desa, panamayannya ngawit pamutus mararyan utawai kararyanang ring paruman Krama Desa.

Pawos 11

- (1) Sang wusan makrama Desa patut ngaturang ayahan karang lan Karang Desa.
- (2) Sang wusan makrama Desa tan polih pah-pahan padruwen Desa.

Pawos 12

sane kabaos tamiyu tiosan ring Krama Desa Adat Keliki Kawan sangkaning :

- 1) Malalungan utawi marerepan.
- 2) Duduk-dudukan utawi nyundulang raga.
- 3) Jumenek tan jumenek sangkaning ngarereh pangupa jiwa.
- 4) Utusan saking Desa tiosan wiadin saking Guru Wisesa.

Swadarmaning tamiyu :

- a. Satinut ring lala karamaning Desa Adat Keliki Kawan.
- b. Satinut ring daging Awig-awig pakraman lan yasa kartin Desa.
- c. Tamiyu sane duung marabian langkungan-ring asasih jumenek iriki ring Desa Adat Keliki Kawan sane mayusa kirang langkung 17 (pitulas) warsa wenang nawur pangilikitan nyabran asasih manut pararem.
- d. Tamiyu sasudian Guru Wisesa alaki rabi jantos asasih utawi lintangan patut satinut ring yasa kartin Desa.
- e. Tamiyu sane tan satinut ring daging Awig-awig inucap tur malaksana Duskerti patut keni pamindanda manut pararem.
- f. Tamiyu pacang matilar saking Desa Adat Keliki Kawan patut matur supekta ring Prajuru Desa.

Swadramaning Krama nampi tamiyu :

Krama Desa yening pacang nampi tamiyu patut matur supekta ring Prajuru sajeroning 3 (tigang) rahina sesampune polih pangual saking Prajuru Desa wawu dados katrima, yan langkung ring 3 (tigang) rahina wenang Krama sane nampi tamiyu keni pamindanda manut pararem.

Yan wenten tamiyu tan ngarutin sasana lan kasukertaan Desa adat keliki Kawan wenang katundung saking wawidangan Desa Adat Keliki Kawan, yan tan ngarutin patut katur ring sang

ngawerat.

Pawos 13

Swadarmaning Krama sewosan ring tategenan luwire :

- a. Tinut saturut ring daging Awig-awig pararem, miwah pasuaran Desa.
- b. Tan maren ngutsahayang mangda Desane mrasidayang nyujur manut patitis.
- c. Tinut saturut ring Guru Wisesa.

Pawos 14

Pilih-olihan Krama :

- a. Pilih pasayuban sakala, niskala, kabawosin tur katiwakin pamutus sahanan wicaranya.
- b. Nyarengin paruman tur wenang mastikayang pamutus.
- c. Kadadosang madeg Prajuru manut pararem.

Pawos 15

Inisik pamargin Krama Desa manut patitis Desa Adat Keliki Kawan ngemanggehing dresta manut kawantenan linggih Krama, wenten pepelihan manut wigunania, taler kawantenang laluputan ring sor :

- a. Ida marga Sulaggin ulahi Pandita, para Pamangku Desa Adat lan kadi dresta yan lan cerapan.
- b. Para juru Desa Adat pilih liput manut pararem.
- c. sang mawul gila Krama Desa Adat manut kawigunania manut pararem.

Palet 2

Indik Dulun/Prajuru Desa Adat

Pawos 16

- (1) Desa Adat Keliki Kawan kaenter olih Bendesa Adat
- (2) Banjar kaenter olih Kelihan Banjar
- (3) Bendesa lan Kelihan Banjar patut :
 - a. Kaadegang satunggil 5 (limang) warsa malarapan kacatri olih Krama Desa Adat , sejabatin wenten pariindikan tios, tur kangkat kacatri malih.
 - b. Maduluran upasaksi ring Kahyangan Desa.
- (4) Sane patut kaadegang dados Prajuru :
 - a. mawiwit sakeng Krama Desa Adat Keliki Kawan (wed) manut pararem.
 - b. Rahajeng tur mapolah rahayu.
 - c. Uning nyurat lan ngawacen Aksara Bali utawi latin.
 - d. Uning ring pariindikan Adat lan Agama.
 - e. Kautamayang sane tan cedangga
- (5) Yaning wentenn sinalih tunggil Krama sane kacatri dados Prajuru/Dulun Desa/Banjar miwalin utawi tan nganutin patut keni pamidanda manut pararem.

Pawos 17

- (1) Bendesa Adat kasangga olih :
 - a. Patajuh pinaka wakilnia.
 - b. Panyarikan pinaka juru surat.
 - c. Patengen pinaka pangamong Druwen Desa.
 - d. Kasinoman pinaka juru arah.
 - e. Kelihan Banjar.
- (2) Kasinoman akehnia manut kawigunaan saha magilir nyabran

asasih.

- (3) Sajeronin ngenterang kasukertaan niskala, Bendesa Adat patut mingsingghang para pemangku Kahyangan Desa Adat utawi Ida Sang Sulingghih, .
- (4) Sajeronin ngenterang kasukertaan niskala, mangde kawantu olih manggala Desa Adat pinaka wakil krama.

Pawos 18

- (1) Swadarmaning Prajuru Desa Adat :
 - a. Ngenterang pamargin Awig-awig miwah pararem Desa Adat.
 - b. Nuntun tur ngenterang Krama Desa, ngupadi kasukertaan Desa manut patitis.
 - c. Mawosin kalih niwakang pamutus marep ring wicara Krama Desa.
 - d. Maka Dutta Desa matemuang bawos ring sapa sira ugi.
 - e. Maka manggalaning Desa, ritatkala makukuhang pamargin Desa kalih Awig-awig, prade wenten wong dura cara kalih pangrusak saking dura Desa.
- (2) Prade Prajuru iwang sesana minakadi ngaliyokang druwen Desa keni kabuktiang iwangnya malarapan Tri Pramana patut :
 - a. Keni pamidanda manut pararem.
 - b. Ngawaliang druwen Desa sane kalinyokang.
 - c. Kengin kararyanang dados parajuru.
- (3) Prajuru sane kasisipang tan kengin ngenterang kalih nuntun paruman Krama, paruman Krama duk punika katuntun olih Prajuru sewosan manut pararem.

Pawos 19

Patias utawi olih-olihan Parajuru/Dulun Desa luwire :

- a. Polih upon palaba carik, tegal, manut pararem.
- b. Luput rerampen, padagingan (luput manuk).
- c. Polih pica ritatkala patoyan ring pura.
- d. Polih bukti duman atanding.
- e. Polih patias sewosan manut pararem.

Pawos 20

(1) Prajuru Desa kagentosang riantukan :

- a. Sampun tutug sengker dados prajuru.
- b. Lampus utawi seda.
- c. Tan sida ngamargiang dados Prajuru saantukan sungkan tahunan utawi pialang abot sewosan.
- d. Pinunas ngraga tur sampun kalugra pinunsania olih Krama Desa.
- e. Kararyanang olih Krama duaning lwang pamargi utawi nilar sesana.

(2) Ngararyanang Prajuru patut ring sajeroning paruman Desa tur kaingkupin olih Krama.

Palet 3

Indik Kulkul

Pawos 21

(1) Kulkul Desa Adat Keliki Kawen wenten sakadi ring sor :

- a. Kulkul Desa Adat/Banjar.
- b. Kulkul Sekaa gong.
- c. Kulkul Kahyangan.
- d. Kulkul Subak.

- e. Kulkul Sekaa-sekaa sewosan.
- (2) Suaran kulkul inucap pinaka cihna atur ring Krama Desa sami, Banjar miwah sekaa-sekaa sane sewosan manut tatujon utawi pasubayania.
- (3) Pamargi-pamargi sane patut macihna antuk suaran kulkul luwire :
- Paruman.
 - Tedun Makarya
 - Pawiwahan.
 - Kalayu Sekaran.
 - Cihna Bhaya
 - Embas Putra
 - Ngawit Nyepi
 - Ngembak Geni
 - Mendak utawi Nyineb Bhatara-bhatari
 - Surya Graha.
- (4) Cihna suaran kulkul ring Desa Adat Keliki Kawan manut tabuh tapakan luwire :
- Paruman, miwah Yadnya lan raruntutania, (kalih tulud sedeng).
 - Tedun makarya, wali, Yadnya lan raruntutania, (kalih tulud sedeng).
 - Mendak utawi nyineb Bhatara bhatari (suaran kulkul nyangin biasa/mungting)
 - Pawiwahan kelentungan ping 11 (solas) sedeng.
 - Kalayu Sekaran :
 - Yaning jasma tua 5 (limang) kelentungan, jasma alit 3 (tigang) kelentungan.
 - Ngamedalin patas 2 (duang) tulud biasa.
 - Mangbang/nanem 2 (duang) tulud biasa.

f. Cihna bhaya :

- 1). Jiwa bhaya 1 (asiki) tuludan bulus.
- 2). Artha bhaya 2 (kalih) tuludan bulus
- 3). Geni bhaya 3 (telung) tuludan bulus.
- 4). Lindu bhaya 4 (patoat) tuludan gancang
- 5). Er bhaya 5 (limang) tuludan gancang
- 6). Pawana bhaya 6 (enem) tuludan bulus
- 7). Urung makarya 3 (telung) kelentungan ngempang.

g. Embas putra 4 (petang klentung sedeng).

- h. Ngawit Nyepi utawi ngembak geni madaging kelentungan ping 6-(enem)
- i. Ngembak Geni, suaran kulkul kalih tulud sedeng kelentungan ping 6 (enem)
- j. Surya Graha, bulan kapangan (suaran kulkul nyangsih biasa).

Pawos 22

- (1) Kulkul Desa tan wenang kasuarayang yaning tan sangkanin pituduh Prajuru Desa sajawanin wenten bhaya, sakawenten riwas nepak mangda masadok ring Prajuru Desa.
- (2) Kulkul Banjar lan kulkul sekaa-sekaa sewosan tan wenang kasuarayang yaning tan sangkanin pituduh Prajuru sowang-sowang sejawanin wenten bhaya.
- (3) Yan ritatkala kasuarayang kulkul Desa/Banjar, utawi sekaa-sekaa sane sewosan tan wenang kasaurin antuk munyin kulkul pakubon, utawi pondok-pondokan sajawanin wenten bhaya sinalih tunggil nyuarayang kulkulnia soang-soang raris kasaurin antuk suaran kulkul sane lianan.
- (4) Sang sane nyuarayang kulkul tan sangkaning pituduh Prajuru sejawanin bhaya lan ngrupuk kenil pamidanda manut

Pararem.

Palet 4

Indik Paruman

Pawos 23

(1) Paruman ring Desa Adat Keliki Kawan wenten :

- a. Paruman Prajuru Desa kawentenang manut wiguna.
- b. Paruman Desa Adat, maka cihna antuk arah-arrah.
 - 1). sangkepan nyabran asasih tanpa arah-arrah.
 - 2). Paruman padgata kala majalaran arah-arrah manut tatujon.

c. Paruman Krama ngarep kawentenang :

- 1). Satunggil maka cihna tanpa arah-arrah dwaning sampun tetap panemaya.
- 2). Paruman padgata kala kawentenang manut wiguna.

d. Paruman sekaa-sekaa kawentenang manut pabuatanya.

(2) Paruman Desa lan Banjar pamarginnya manut sakadi ring sor :

- a. Macihna antuk pasuaran kulkul manut pawos 21 (selikur).
- b. Mapusana adat madya saha tan kalugra makta gegawan
- c. Masarana janggi maka pangawit tedun Krama, kalanturang antuk pangonek, mangda prasida paruman Inucap kakawitin.
- d. Prasida lumaksana risampun katedunin olih atenga langkung Krama sane patut ngamilletin.
- e. Tan marem ngarcana ring Ida Bagawan Panyarikan, masrana Widhi Widana marupa cane.
- f. Pinaka pamungkah paparusan kakawitin panganjali "Om Swastyastu".

- g. Sajeroning paruman tan kalugra sinalih tunggil Krama ngawentenang suara gora, wakperusia, byuta miwah nilar paruman tan pasadok, yan wenten kadi asapunika keni pamidanda manut pararem.
- h. Pamutus babawosan kaulsahayang mangda gilik saguluk pada arsa Krama sami.
- i. Bilin tan prasida sakadi ring ajeng, pamutus babawosan ngangge suara sane akehan, nanging pamutus punika taler mangda manut utawi tan lempas ring daging awig-awig, pamatot sang ngawawenang minakadi Pancasila lan Undang-undang Dasar 1945.
- j. Pamutus paruman mucep sinanggoh pararem maka pamitegep daging awig-awig.
- k. Paruman kapuputang antuk Parama Santhi "Om Santi, Santi, Santi Om".
- l. Misampun wusan parum ter babawosan sampun kasungkemlin olin Krama tan kalugra ngarabab malih daging paruman, yan wenten kadi asapunika keni pamidanda manut pararem.

Pasang 24

Sane patut kasetyahang ring paruman Desa utawi Banjar ngawawenang nelli

a. munjuk lungsurin Krama saka ayahrayahan

b. kanyakin saka kanyakin utawi prawan Desa utawi Banjar.

c. kanyakin Praturan Desa ngawawenang utawi Desa kapungkur.

d. kanyakin wicara saka pamutusna.

e. kanyakin saka kasetyahang ring ajeng patut katitening

saka kanyakin pamutus olin Desa utawi Banjar.

Pawos 25

- (1) Paruman Prajuru :
 - a. Kawentenang manut wiguna.
 - b. Katuntun olih Bendesa Adat.
 - c. Kasarengin olih Pangawania.
- (2) Tatujaon paparuman Prajuru inggih punika : ngarincikang pamargi lan wewangunan ring Desa Adat.
- (3) Pamutus sahananin rarincikan punapi malih sane niwakin tategenan ring krama, tan dados kalaksanayang, sadurunge kasungkemin tur kapikukuhang, olih paruman Desa Adat, sejabanin pasuara sane mawit saking pituduh sang ngawarat.

Pawos 26

- (1) Paruman/sangkepan Banjar miwah sekaa-sekaa sane sewosan tan dados lempas ring daging Awig-awig lam pararem Desa.
- (2) Prajuru Banjar miwah sekaa-sekaa sane sewosan ritatkala ngawentenang sangkepan saha ngamedalang pamutus mangda atur supeksa riin ring Prajuru Desa Adat.

Palet 5

Indik Druwen Desa

Pawos 27

Sane kasinanggeh druwen Desa Adat Keliki Kawan sakadi ring sor :

- a. Kahyangan/Pura-pura luwire :
 - 1). Pura Desa/Bale Agung
 - 2). Pura Puseh
 - 3). Pura Dalem Agung/Alit

- 4). Pura Penataran
 - 5). Pura Tegal Suci
 - 6). Pura Catur Bwana
 - 7). Pura Prajapati
 - 8). Pura Bukit Sari
 - 9). Pura Taman Sari
 - 10). Pura Batur Sari
- b. Tanah-tanah palaba Pura manut ilikita.
- c. Piranti-piranti minakadi Bale Banjar lan sane sewosan.
- d. Lelanguan/tetangguran minakadi gong lan ilen-ilen minakadi rejang, baris, pendet, topeng sidakarya.
- e. Setra wenten asiki sane magenah ring kidul Desa Adat Keliki Kawan.
- 1). Sahananin pariindikan-pariindikan sane pacang jagi wenten ring setra, sadurunge mangda ngawentenang paruman ngupadi karahajengan sareng sami.
 - 2). Indik mendem sawa nganutin Krama Desa Adat.
 - 3). Papendeman nenten kadadosang ngangge beton.
 - 4). Piodalan ring Ulun Setra inucap ring Tilem sasih Kapitu.
- f. Muwah padruwen sewosan.

Pawos 28

- (1) Sahananing druwen Desa Adat patut kapiara utawi kapahayu olih Karam Desa kamanggala olih Prajuru Desa.
- (2) Prajuru Desa patut/ngetangang druwen Desa manut wigunania.
- (3) Sahananin druwen Desa kaunggahang ring ilikita sane pastika olih Prajuru Desa/Banjar saha pariindikania.
- (4) Pikoli lan pamuponya kaangge prabeya piodalan miwah

wewangunan ring Pura.

(5) Nyabran pasangkepan Desa, Prajuru/dulun Desa sane ngamong druwen Desa Adat patut nyihnayang parlindik munjuk lungsurin padruwen Desa arep ring Krama Desa sami.

(6) Tan kalugra ngadol utawi ngontrakan padruwen Desa yan tan kasungkemin olih Krama Desa sajeroning paruman.

Pawos 29

Piolihi=olihan Desa Adat Keliki Kawan luwire :

- a. Piolihan sakeng palaba Pura.
- b. Urunan Krama Desa Adat.
- c. Paica sakeng Guru Wisesa.
- d. Dana punia/paica sewosan sane patut tan pamrih.
- e. Usaha Desa Adat.

Palet 6

Sukerta Pamitegep

Kaping 1

Karang, Tegal Lan Carik

Pawos 30

- (1) Tanah pakarangan Desa utawi paumahan, mapipil wiyadin tan mapipil patut kaayahang.
- (2) Yaning wenten sinalih tunggil Krama Desa Adat pacang matimbang utawi nyiwadanang tanah pakarangan Desa sane tan mapipil (tan keni tigesana) patut polih uwak-uwakan saking warisnia, taler polih pamutus paruman Desa Adat.
- (3) Sahanin wawilangan karang tegal lan carik sane wenten ring wewidangan Desa Adat Keliki Kawan patut kawatesin antuk tembok, pagehan utawi patok saking sang ngawawenang

tur kasaksinin olih Prajuru Desa Adat.

Wates sisi kaler miwah kangin, taler sane nampingin rurung, patut kakaryanang tur kadruweang olih sang maduwe karang, mangda pakantenane asri sane kawastanin gegaleng ka luan, sajawaning tegal lan carik magelang kateben utawi manut dresta ring Subak.

- (4) Prade wenten karang kabebeng utawi karang embet mangda kautsahayang wenten pamarginnia utawi pangutangan pamargin toya manut paigum lan pararem.
- (5) Yaning pacang makarya jempeng, kandang wewalungan miwah genah jajemuhan busana tan kadadosang nampek ring genah sane kasuciang manut pararem. Paembang jempeng sareng, Prahyangan utawi Pura paling akidik adepa agung (2 meter).

Pawos 31

- (1) Krama Desa Adat tan dados ngalah-alah tanah pakaranga, tegal lan druwen anak sewos, napi malih sane kadruwe olih Desa Adat.
- (2) Prade wenten sakadi ring ajeng sang angalah-alah patut ngawaliang tanah inucap saha keni pamidanda manut pararem, kadulurin panyangaskara prade ngalah-alah linggin sinanggeh suci.
- (3) Sahananin karang tegal lan carik patut mangda maguna marep ring sang nruwenang, taler tan ngawinang kaduhkitaan anak sewos.
- (4) Sahanan karang patut miara telajakan/ambal-ambal saha nandurin antuk tetanduran sane ngawinang Desane makanten asri paling akidik adepa agung (2 meter).

Kaping 2

P e p a y o n a n

Pawos 32

- (1) Yaning wenten sinalih tunggil Krama Desa Adat pacang nandur tanem tuwuh ring paumahan mangda sanistania adepa agung (2 meter) ngajeroang saking wates.
- (2) Yaning wenten pepayonan kapitehen carang lan don ipun ngalitangin wates wenang kasepat gantungin.
- (3) Prade pepayonan punika kapitehen pacang mayanin ring anak sewos; ngungkulin, akah ipun ngarusak tembok panyengker wiadin wewangunan, pepayonan punika kangkat karebah.
- (4) Pamargi nyepat gantungin wiadin ngerabah mangda sakadi ring sor :
 - a. Sang sane katetehan utawi kataonin patut ngawara mangda sang maduwe pepayonan punika mangda digelis notor utawi ngarebah.
 - b. Yaning sang maduwe pepayonan punika tan kayun notor utawi ngarebah, wenang sang ngawara masadok ring Prajuru Desa Adat.
Prajuru patut mureksain saha nepasin indik punika.
 - c. Prade sampun wenten sanepas prajuru, Prajuru wenang notor utawi ngarebah pepayonan punika, saha prabeya ngarebah kamedalin olin Desa, patin pepayonan punika padruwe Desa.
 - d. Ista cara nyepat gantungin utawi ngarebah :
 - 1). ngawarin patitis niskala.
 - 2). kasahainin olin sang maduwe pepayonan.
 - 3). kasahainin olin Prajuru Desa Adat.

- (5) Risampun kawara olih sang rumasa katetehin utawi kataonin sang madruwe pepayonan tan cumpu, prade pepayonan punika ngarubuhin patut sang madruwe pepayonan punika keni prabeya manut paetangan Prajuru saha pamidanda manut pararem.
- (6) Prade tatkala ngarebah pepayonan raris ngarubuhin wewangunan anak sewos, prabeya ngawaliang ring sang sane karubuhin katiba ring sang sane madruwe pepayonan punika.
- (7) Samaliha yan wenten taru pungkut, kategal, kateba utawi carik anak sewosan prade ngarusak tetanduran papangan miwah sane sewosan, tegal, carik, sane kaungsi wenang sang sane madruwe tarune sane pungkut punika keni panebus, ageng ipun manut kadi pangloika Prajuru Desa Adat.
- (8) Yaning wenten taru pungkut carang, daun, wladin buah ring sajeroning karang utawi tegal sane mapageh trepi tan kangkat kajarah sejabatin sang madruwe sakewanten yan pakarangan utawi tegalan punika nenten mapageh trepi (malumbar) wit lan carang kangkat kaambil.
- (9) Yan wenten tetanduran entikan ipun ngalimbak utawi ngalintang kapakarangan wladin tegal, carik anak sewos wenang kataban olih sang madruwe karang, tegal lan carik sane kaungsi olih entikan punika.
- (10) Krana Desa Adat kapatutang taler mangda nyanggra kawerdian pepayonan sane ngawinang desane asri.

Kaping 3

Wewangunan

Pawos 33

- (1) Sinalih tunggil Krama Desa Adat sane pacang ngawangun tan kapatutang nyapcapin wiadin nyayubin, napi malih toyan ipun ngecorin pakarangan utawi paumahan anak sewos.
- (2) Yaning pacang ngawangun nganggen sukat manut dresta (asta bumi, asta kosala-kosali utawi sanistane manut patitis niskala).
- (3) Yaning pacang makarya rurung, linggah ipun kapatut pinih malih abelah depa agung (1 meter) tur malarapan antuk paiguman olih sang pacang ngawangun rurung ring sang sane madruwe tanah sane kaangge rurung.
- (4) Yan pacang ngenahang barang padruwen ring margi utawi rurung tan kadadosang kantos tan wenten genah mamargi tur lamin ipun wantah 5 (limang) rahina yan mamurung keni pamidanda manut pararem.
- (5) Saluirin margi utawi rurung sane wenten ring wawidangan Desa Adat Keliki Kawan, patut kapiara olih sang nganggen.
- (6) Tan wenang wenten wewangunan ring sajeroning margi utawi rurung.
- (7) Krama Desa Adat taler mangda nyanggra karesikan jagad tan kadadosang sang ngutang luhu/kotoran ring jelinjinganne, telabah, tukad, rurung utawi margi taler genah-genah kasinanggeh suci sapanunggilannya yan mamurung kadi ring ajeng keni pamidanda manut pararem.

Kaping 4

Wewalungan

Pawos 34

- (1) Sahananin Krama Desa Adat Keliki Kawan, sane miara wewalungan mangda sayaga nitenin wewalungannya upami : negul, ngalogor mangda tan ngarusak karang, tegal, paumahan, genah suci paabianan napi malih kantos ngaletihin Kahyangan.
- (2) Prade wenten wewalungan malubar utawi galak tur ngarusak druwen anak sewos, kengin kataban tur kasadokang ring prajuru.
- (3) Yaning ngaletihin genah suci, ring sampune kaparitetes olih Prajuru sang nerebenang patut keni pamidanda manut pararem, ngawallang prebeya sane karusakang manut pangloika Prajuru sawawah ngupacarain genah suci manut sastra Agama.
- (4) Sang miara wewalungan taler tan kawenang ngenahang, negulang utawi ngangonang wewalungan ipun ring genah-genah kadi ring sor :
 - a. Genah-genah suci rawuh pakarangan Banjar utawi Desa Adat,
 - b. Nangi agung, rukung ring Desa Adat,
 - c. Pakarangan rawuh telajakan Krama Desa,
 - d. Sutra-sutra.
- (5) Arama Desa Adat taler mangda nyanggra kawardian wewalungan nimbah sarwa prahi, minabadi tang kalugra nuba ulam, modil sarwa pakai, lan sapanjungilannya. Yan wenten malaksana sakadi ring ajeng, keni pamidanda manut pararem, tur kaaturang ring sang ngamamayang,

Kaping 5

Bhaya

Pawos 35

- (1) Sahananin laksana miwah pamargi tan rahayu sane mawasana ngawinang pakobet ring anak sewos utawi Krama Desa Adat kasinanggeh bhaya.
- (2) Sane kasinanggeh bhaya luwire :
 - a. Jiwa bhaya.
 - b. Artha bhaya.
 - c. Geni bhaya.
 - d. Lindu bhaya.
 - e. Er bhaya.
 - f. Duracara ring Agama.
 - g. Pawana bhaya

Pawos 36

- (1) Sinalih tunggil Krama Desa Adat sane uning jadma pacang malaksana tan rahayu utawi Krama Desa katiben bhaya mangda digelis matur supeksa ring Prajuru wiadin Guru Wisesa.
- (2) Prade sinalih tunggil Krama Desa katiben bhaya, sang katiben bhaya wiadin sang amangguh bhaya inucap wenang digelis nyuarayang kulkul tur matur supeksa ring Prajuru utawi Guru Wisesa.
- (3) Sahananing Krama Desa patut mapitulung sane kacihnayang antuk suaran kulkul saha makta gegawan manut sakadi kawentenan bhaya inucap, mangda sang keni bhaya sida digelis polih pitulung.

Pawos 37

- (1) Yan pacang maseserep ritatkala kapandangan, kaplagandang utawi ninggalin umah tan masadok ring sajeroning wawidangan Desa Adat Keliki Kawan, patut nunas panguak ring prajuru.
- (2) Maseserep ring sewos Banjar utawi Desa Adat, patut polih panguak Prajuru Desa inucap.
- (3) Sahanan tingkahe maseserep mangda katuntun olih prajuru.

Pawos 38

- (1) Sahanan jasma malaksa tan rahayu ngawinang bhaya ring anak sewos utawi Krama Desa Adat, patut keni pamidanda manut pararem tur kaaturang ring sang ngawawenang.
- (2) Prade sane karusak utawi kapandung artha sane kasinanggeh suci sewosan ring keni pamidanda taler keni panyangaskara pamarayascita manut satra Agama tur sang malaksana katur ring Guru Wisesa.
- (3) Yaning sang malaksana tan rahayu mawit sakeng dura desa, prade keni kaejuk tur kaaturang ring Prajuru Adat ngalantur ring Guru Wisesa.
- (4) Prade wenten Krama ngarereh daun, buah, lan carang pepayonan padruwen anak sewos utawi Desa Adat mangda masadok riin ring sang madruwe utawi Prajuru adat, yan mamurung kadi kecaping ring ajeng keni pamidanda manut pararem.
- (5) Yaning mapangarah kakubon wiadin paumahan mangdane tan kautekang mamurung rikala sang madruwe pakubon wiadin paumahan kaicalan, pamargine mapangarah kadi ring sor :
 - a. Sadurunge ngeranjing kapakubon wiadin paumahan mangda ngawentenan tatengeran suara (makaukan).

De Yan tan kasaurin olih sang madruwe pakubon wiadin paumahan pamedale patut kadanginin sawen carang pepayon sane kantun madaging don maka cihna mapangarah rikala suwung.

- (6) Yaning wenten jadma nguman-nguman, wak parusia, wak capala, kroda mayuda ring paruman/sangkepan, ring pura-pura, patut keni pamidanda manut pararem tur maweweh pangupakara manut sastra Agama.

Kaping 6

* Panyanggran Banjar *

Pawos 39

- (1) Sinalih tunggil Krama Desa Adat Keliki Kawan pacang, ngawentenang Yadnya patut kasanggra olih Krama Banjar utawi Krama Desa Adat manut pinunas sang mayadnya.
- (2) Yaning yadnyane punika marupa karya duka upami kalayu sekaran, Krama Banjar patut ngarombo sang keni kalabubaangan manut pararem.
- (3) Prade Yadnya punika marupa Pitra yadnya, ngaben utawi palebon sang mayadnya kadadosang nunas karya ring krama Banjar, sakadi pinunas sang madruwe karya manut pararem.
- (4) Salantur ipun tatkala Krama Banjar mapitulung ring sang madruwe karya pangingune manut pararem.
- (5) Indik pamedalan patus manut pararem.

Pawos 40

- (1) Krama Desa Adat ritatkala ngawangun Yadnya utawi karya sane sewosan taler kadadosang nyelang genah rawuh sarana sane wenten manut kadi pinunas utawi pangarsaan sang

mamuatang.

(2) Indik pamargin nyelang genah utawi sarana sane wenten tur dados kaanggen sakadi ring sor :

- a. Sang mamuatang mangda matur ring kelihan Banjar utawi Prajuru Desa Adat.
- b. Sang mamuatang mangda ngaryaning pasegeh manut pabuat, lungsurannya mawali ring sang madruwe karya.
- c. Sang mamuatang mangda supekta ring genah utawi sarana sane kaanggen, prade risampune wusan, rusak utawi icai mangda kabecikang utawi kagentosin.
- d. Yaning Yadnya punika marupa karya duka, taler mangda kawewehin pamarayascita genah, utawi sarana sane kaanggen.
- e. Sang nganggen kapatutang taler keni batu-batu manut pararem.

B A R A IV
SUKERTA TATA AGAMA

Palet 1

Indik Dewa Yadnya

Pawos 41

Pura-pura sane wenten tur kaempon olih Krama Desa Adat Keliki
Kawan miwah kawentenan pujawalinya sakadi ring sor :

a. Pura Kahyangan Tiga :

1). Pura Puseh : pujawalinya ring rahina Anggara
Kasih, Wuku Medangsia.

2). Pura Desa/Bale Agung : pujawalinya ring rahina Anggara
Kasih, Wuku Medangsia.

3). Pura Dalem : pujawalinya ring rahina Buda
Umanis, Wuku Tambir.

b. Pura Penataran : pujawalinya ring rahina Buda,
Umanis, Wuku Prangbakat

c. Pura Bukit Sari : pujawalinya ring rahina Buda Umanis,
Wuku Tambir.

d. Pura Tegal Suci : pujawalinya ring rahina Purnama,
sasih Kapat

e. Pura Catur Bhuwana : pujawalinya ring rahina Purnama,
sasih Kasa.

f. Pura Prajapati : pujawalinya ring rahina Buda Manis,
Wuku Tambir.

g. Pura Taman Sari : pujawalinya ring rahina Anggara
Kasih, Wuku Kulantir.

h. Pura Batur Sari : pujawalinya ring rahina Purnama,
sasih Kapat.

i. Pangsel ring Pura-pura Inucap manut satra Agama saha

kalaksanayang nista, madya, utama manut pararem.

Pawos 42

piodalan lan aci ring Pura :

- a. Pura-pura sane kaempon olih Krama Desa Adat sakadi kaucap ring ajeng piodalannia ring sajeroning awarsa, apisan madya, apisan ngebek manut dresta.
- b. Indik Ida Bhatara nyejer ritatkala wali ngebek ngadeg 3 (tigang) rahina, benjang semengan kaaturan upacara panyineban
- c. Wali ring Pura Catur Bhuwana : Ida Bhatara ngadeg arahina raris nyineb.
- d. Ring Pura Kahyangan sane kautsahayang satunggil Pura sanistane sapisan 50 (seket) warsa.
- e. Ritatkala wali ring Kahyangan Desa Inucap kapuputang olih Pamangku utawi nuur Peranda manut kawentennan wali Inucap.
- f. Emponan Pura :
 - a. Keemong antuk Banjar luwire :
 - Pura Dalem Agung
 - Pura Dalem Arit
 - Pura Prajapati
 - Pura Bukit Sari
 - Pura Catur Bwana
 - Pura Tegal Suci
 - b. Keemong antuk Desa Adat luwire :
 - Pura Desa/Bale Agung
 - Pura Penataran
 - Pura Taman Sari
 - Pura Batur Sari
 - Pura Puseh

(1) Wiwitannya sang Jaden Pamangku, tapakan/Dasaran lan Jero
Pulih luwre :

a. Nyajan

10. Bawilit sakeng katiruman pamangku ring pura
Inucap/ngawar is

g. Ialer tan wenten, menang sasudian Krama Desa Adat.

(2) Praboya ngadepang Pamangku, Jero Dasaran utawi Jero
lapakan miwah Jero Rutih Kamedalin olin Krana Desa Adat
manut pararem.

(3) lan wenang kaadegang dados pamangku luwre :

d. Yang sana lan madyane kasucian urip.

1. Wong cedanya.

8. Yang sangat penting kapadutang mamut sastra nyuma.

Upacara Pitra yadnya/atisa-tiwanta iwekas kasanggira oleh
Desa Adat mami paragem.

* Уракан сгавен *

53 Wisitunnaya yang duduk dalam senteng : sangkanin
 kanyang kramo Duta belai.

1. The always independent Italian scientific method appears
 2. a study of these theories of evolution. Some of the most interesting
 3. of the present theories of evolution.

● 2017 年 12 月 1 日

$\frac{1}{2} \times \frac{1}{2} = \frac{1}{4}$

1. The first of these is the fact that the
the first of these is the fact that the
the first of these is the fact that the

9. $\frac{d}{dx} \left(x^2 + y^2 \right) = \frac{d}{dx} (x^2) + \frac{d}{dx} (y^2)$
 $= 2x + 2y \frac{dy}{dx}$

- c. Pamangku-pamangku Kahyangan Desa wenang nyiratang tirta ring Krama Desa manut Dresta.
- d. Ngelarang sesana manut satra Agama luwire :
- 1). Ambek Dharma sadu
 - 2). Asewaka Dharma makadang sastra utama.
 - 3). Tan parek ring naya dusta.
 - 4). Tana atayub ring tarub camara yudha.
 - 5). Tan manjing ring umah wong wanija karma.
 - 6). Tan manjing ring umah wong drati krama.
 - 7). Tan pati pikul-pikulan.
 - 8). Tan salah suluh.
 - 9). Tan anginum asing ngawe mada.
 - 10). Tan wenang ajajuden
 - 11). Tan wenang nayub toyaning cor, yan mawyawahara teka wenang adewa saksi.
 - 12). Tan keneng cuntakaning wong len sajawaning kulawarga tunggal natah utawi pasiwanja.
 - 13). tan ngriganing wong akueh
- e. Pamangku paibon utawi pamrajan kawentannya wenten ring paibon utawi pamrajan soang-soang.

Pawos 45

- (1) Ritatkala wenten Yadnya ring Kahyangan Desa Adat, pamangku Pura inucap patut kasarengin olih pamangku-pamangku sane sewosan, tukang banten, sutra-sutri tur patut niwakang pituduh marep ring pamangku sane nyarengin inucap.
- (2) Yan prade pamangku sane ngarep keni kapialang, patut pamangku Kahyangan Desa sewosan ngenterang upacara ring Pura inucap.

(3) Yan wenten Pamangku, keni ujar ala, Pamangku, inucap patut kaparayascita manut sastra Agama, tur sang ngucap ujar ala keni pamidanda manut pararem tur ngawaliang prabya parayascita punika.

2015

Penting

(4) Yan prade Pamangku, lapakan/basaran, lan Jeru Putih marabian malih sangkanin patut, pamangku inucap mawinten malih lanang istri, prabeyanya kamedalin olih desa.

(5) Prade Pamangku nilar sasana kabuktiyang manut Tri Pramana (bukti, saksi lan ilikita) indik punika patut nunasang ring sang maraga sulinggih utawi sang ngawawenang.

(6) Prade Pamangku, sampun ngayah ring Pura, kancil wenten kulawarganya seda, Pamangku, inucap tan keneng cuntaka, takewanten Pamangku, inucap tan budal selami piodalan.

Pawos 46

pamangku

Patias utawi olih-olihan Pamangku luwre :

- Kasunggihang olih Krama sangkanin linggih tur besanania.
- Luput ayah-ayahan lan rerampen, pedagangan.
- Bukti upon-upon sarik manut pararem.
- Budana kasanggara olih Desa Adat manut pararem.
- Olih-olihan sewosan manut pararem.

Pawos 47

Ngentosin Pamangku :

a. Ngentosin Pamangku, mawit sangkaning kadi ring sor :

- 1) Pamangku seda.
- 2) pamangku malih ngalap rabi yan tan kasungkem olih Krama Desa Adat.
- 3) Pinanas ngaraga manut pararem.
- 4) Pamangku karanyanang olih Krama Desa sangkaning nilar

di-bahas
6-9-2015

... sn.

sasana.

- b. Yan wenten Pamangku, kararyanang sangkaning nilar sasana patut ngawallang prabya pawintenannya pecak.

Pawos 48

- (1) Prade Pamangku nilar sasana, sadereng polih pamutus Krama Desa pamangku tan dados ngenterang yadnya.
- (2) Prajuru Desa Adat nguntap Pamangku, Kahyangan Desa sewosan rikala ngawentenang yadnya.

~ ✕ ~

Pawos 49

Kasukertaan Kahyangan sakadi ring sor :

sahananin Krama Desa Adat patut nureksain raga, mangda kasukertaan Kahyangan polih kasucian :

- a. Sang tan kalugra ngaranjing kapura utawi Kahyangan :
 - 1). Sane katiben cuntaka sakadi sebel saking ngaraga.
 - 2). Makta sahananin barang sane kabaos ngaletihin.
 - 3). Sato agung sajawanin ritatkala mapapada.
 - 4). Mabusana sane tan manut ring busana kapura sajawanin wenten uwak-uwakan Prajuru.
 - 5). Sadereng polih uwak-uwakan (pituduh) Prajuru Desa.
- b. Pratingkahe tan wenang ring Pura kadi ring sor :
 - 1). Masumpah utawi macoran sajawanin pituduh Prajuru.
 - 2). Makobetan, masenggama, makolem lanang istri dados asiki, mabacin, mawarih, nyepcepin anak alit, nyangsang busana, ujar ala, mecikang pusungan (ritatkala majajahitan patut ngelung busung maconger lidinnia).
 - 3). Mungga tedun palinggih sajawanin pituduh prajuru

utawi pamangku pangenong Pura.

- a). Mangan kintu kantos kataluan, lan sahanan jajuden.
- c. Sang mahurung kecap ring ajeng keni pamidanda lan pamarayascita manut pararem.
- d. Sane lan keneng cuntaka sang sulinggih utawi pamangku.

Pawos 30

- (1) Yaning wenten jadma karawuhan ring pura dados kapintonin prade rubasa kasumangsayaan, yan tan wiakti jadma inucap kasilipin tur keni pamidanda manut pararem.
- (2) Prade wenten kahyangan katiben durmanggala minakadi bhaya, sang manggihin patut digelis matur supeksa ring Prajuru Desa Adat sangda marumang Desa tur ngawentenang pamarayascita manut sastra Agama.
- (3) Ritatkala galungan patut :
 - a. Ring rahinan Anggara Wage, Dungulan, ngawit arayascita raga (mabiya kala) patut apasany panjor tur madaging langgah.
 - b. Ring rahina Buda Kliwon, Dungulan indik pamargi ring paumahan nyantosang puput ring kahyangan Tiga Desa, utawi Dadia, Panrajan sang-sang.
- (4) Ring rahinan Kuningan, pamarginia paten kadi ring galungan.
- (5) Ring rahinan Saniscara Umanis, watugumung patut ngaturang pludalan Sarawati malinggih ring Pura Desa/Bale Agung.
- (6) Ritatkala ngaturang Kahya ring Pura Kahyangan Tiga ping gelih pura sané kasada sang kasungamin silih Desa Adat balut madawaran Paganila.
- (7) Yan wenten kajawaba paumahan sang-sang krama Desa Adat kalin krama kalin kasungkalaan minakadi lulut lan

sane 'sewosan wenang ngawentenang pamariauda olih' sang madruwe kasangkalaan, yaning genah druwen Desa kamargian olih Desa.

Palet 2

Indik Reel Yadnya

Pawos 51

- (1) Prajuru yogia nuntun Krama Desa mingelinggihang sang para Sulinggih lan Pandita.
- (2) Sang pacang madeg Pandita utawi Pinandita, minakadi balian Sonteng, dalang saluirin sane jagi ngenterang Yadnya patut masadok ring Parjuru utawi Parisaada Hindu Dharma Indonesia (PHDI).
- (3) Parjuru Desa patut nureksain saha nitenin tur wenang ngalangin yan prade wenten kacihnayang sasar kakecap ring sastra Agama miwah dresta tur sareng nyaksinin upacara inucap saha nyobyahang ring paruman Desa tegap rawuhing wates kawenanganya ngenterang yadnya.

Pawos 52

- (1) Sang Sulinggih patut ngariinang ngarayunin ring wawengkon Desa Adat Keliki Kawan wawu dados muputang Yadnya ring dura Desa..
- (2) Krama Desa Adat patut sareng nitenin katuntun olih Prajuru mangda sahanan yadnya, kaicen pamuput olih Ida Sang Pandita utawi Pinandita manut kawenangannia soang-soang.

Palet 3

Indik Pitra Yadnya

Pawos 53

- (1) Sahananin upakara pamrateka jadma lampus kabaos Pitra Yadnya minakadi : mersihin sawa, mendem sawa, ngeseng (atiwa-tiwa), ngerorasin.
- (2) Mendem sawa utawi ngeseng :
- Genah mendem utawi ngeseng ring setra ugi.
 - Pamargi mendem utawi atiwa-tiwa manut padewasan malarapan antuk Desa kala patra.
 - Mendem tan kalugra ring rahina pasah, prawani, Purnama, Tilem, semut sadulur, rerahinan jagat, ingkel wong, pedpedan, rahinan ring Kahyangan Tiga manut pararem, kala gotongan, was penganten, penanggal, pangelong ping 9 (sanga), soma manis taulu
 - Atiwa-tiwa tan kalugra manut suara ring ajeng (aksara c).
 - Yan ana Krama kalampusan ngawit lampus 3 (tigang) rahina tan ana dewasa mendem, patut makingsan ring setra gumentos wenten uwak-uwakan sakeng Prajuru.
 - Mendem sawa tan kalugra narug/ngajangin lan ngalangkar gunung.
 - Tan dados nyekung sawa langkungan ring 2 (kalih) rahina.
 - Sang meraga Pandita, pamangku, dados nyekung sawa lintang ring 3 (tigang) rahina saantukan jagi ngalantur kaabenang, sewos ring punika taler kalugra nyekung sawa lintang ring 2 (kalih) rahina yaning jagi ngalantur kaabenang.

*Panding
Amala*

i. Tan kalugra nginepang bangbang.

(3) Sang keneng cuntaka kalayu sekaran, tan dados makta aturan ka Pura aturan Pejati ring Pura Desa, Pura Puseh, nataran, Bale Agung, Pura Dalem kabakta olih anak sewosan.

(4) Wantah kalayu sekaran (sebel) lan pamarayascitannya sakadi ring sor :

a. Seda mapendem (kawenang) sane ngarepin sebel 42 (petang dasa kalih) rahina, sebel Desa 3 (tigang) rahina, ngawit upacara papendeman (ngurug).

b. Seda makta manik utawi kabebeng patut embasang dumun wawu padem, indik sebelnya pateh kadi ring ajeng (aksara a).

c. Indik tetaneman mangda ngangge gagumukan antuk limbagan makadi dresta.

d. Panumbak wiadin pangapit keni sebel 3 (tigang) rahina saking mapendem.

(5) Yan ana papendeman ring Desa Adat Keliki Kawan, jaga kaabenang patut nganggen upakara, manut sastra Agama

(6) Kulawarganya sajeroning pakarangan ngantos 12 (roras) rahina.

(7) Sanak kulawarganya saumah/apakubon ngantos 42 (petang dasa kalih) rahina.

Pawos 54

Prade wenten jadma lampus sangkaning salah pati, ulah pati miwah kapangawan dados kabakta budal, Kasanggra antuk banten pangulapan lan panebusan alit ring genahnya lampus, upakara pamratekannya nganutin sastra Agama (Piagam Campuhan).

Pawos 55

(1) Sajeroning ngerajegang Agama Hindu, yan ana Krama tan makrama Desa Adat Keliki Kawan, kalampusan tur pacang kapendem, ring Desa Adat Keliki Kawan patut :

- a. Sadurunge patut matur piuning nunas uwak-uwakan ring Bendesa Adat.
- b. Keni pananjung batu manut pararem.
- c. Wawanengan mendem pinih suwe 5 (limang) warsa.
- d. Tanpa polih panyanggra Krama Desa.
- e. Indik pamargine mendem manut dresta ring Desa Adat Keliki Kawan.

(2) Yan ana wong tan makrama Desa Adat Keliki Kawan, pacang kaabenang ring setra Desa Adat Keliki Kawan patut :

- a. Sadurunge patut matur piuning nunas uwak-uwakan ring Bendesa Adat.
- b. Keni panukun setra manut pararem. *Pananjung Batu*
- c. Keni pamrayascita lan pacaruan ring wawengkon Desa Adat Keliki Kawan, manut dresta, tan polih panyanggra Desa.

(3) Yan wong mapinunas kadi kecap ring ajeng pacang mendem utawi ngaben, Bendesa patut marumang Krama Desa tur nguningayang pinunas utawi pamargin wong Inucap.

(4) Yan ana saking dura Desa pacang kapuputang ring Desa Adat Keliki Kawan, mendem utawi ngaben olih warisannia sane makrama ring Desa Adat Keliki Kawan kadadosang nanging kenik panukun setra/pananjung batu manut pararem tur polih panyanggra Krama sapuputnia.

(5) Yan ana wong tan makrama Desa Adat Keliki Kawan, tan maAgama Hindu yan prade kalampusan tan kawenangang mendem ring Desa Adat Keliki Kawan.

Pawos 56

Swadarmaning Krama ritatkala kalayuan :

- a. Krama sane madruwe kalayu sekaran patut digelis mapungu atur ring Prajuru nunas tatimbang indik tatujo pamargi manut kawentenannya.
- b. Prajuru maritetes pamargi sang sane madruwe kalayu sekaran manut kawentenannya tur nyuwarayang kulkul.
- c. Prade pacang mapendem, Krama Desa patut sayaga nedunin tur ngarombo sahananin karya sang kalayu sekaran manut pararem.

Pawos 57

Tata trepti ritatkala mamargi nganter sawa kasetra :

- a. Rikala nganter sawa kasetra, saluirin sane nututin tan dados ngalangkungin sawa, sajawanin sane makta eteh-ete.
- b. Pamargi mangda trepti tur dabdab tan wenang mawig-wigan utawi ngarap, apan tan manut ring pamutus Parlisada Hindu Dhrama Indonesia, napi malih ngarusak sakadi : wadah pameran sawa miwah sane lian-lianan, ngantos ngawetuang pakewuh ring sang madruwe kalayu sekaran. Yan ana Krama Desa mamurung kecap ring ajeng, wenang keni pamidanda manut pararem.
- c. Krama sane nganter patut mabusana adat madya.
- d. Sasampune rawuh ring setra tan dados malinggal sadurung wenten atur sakeng Prajuru.

Pawos 58

Tata cara ngangge setra utawi tunon :

- a. Sang pacang ngangge setra/tunon patut nunas uwak-uwakan Prajuru Desa.

- b. Tatanin ngangge setra/tunon manut kadi dresta miwah pituduh Prajuru inucap.
- c. Jadma desane sami mangda nitenin, mangda sahanan letih setrane tan wenten ngelalah, kabakta ka Desa pakraman napi malih ka Kahyangan.
- d. Wong desane sami tan dados ngarereh barang sane kabawos letih kabakta kapakraman utawi kacarik.
- e. Yaning palebon/ngaben sawa ring setra nganutin Desa, Kala, Patra :
 - 1). Sane kabawos letih sahananin upakara miwah eteh-ete sawa.
 - 2). Upakara wisdin uparengga dados kabakta budal nanging kaparayascita manut pararem

Pawos 59

- (1) Pamargin atitwa-titwa ngamasa manut sastra Agama sane kapatutang pamargine minakadi : nyawa prateka, nyawa resi, nyasta
- (2) Pamargin atitwa-titwa manut sastra Agama sakadi ring sor :
 - a. Pamargin atitwa-titwa ngamasa manut pararem, taler manut pituduh talang Parisada Hindu Dharma Indonesia.
 - b. Yan Palebon dadakan tan ngangge sasih lan masa, nanging manut padewawanan.
 - c. Pamargin ngirim utawi ngatanes mangda sinuwengan manut pararem.

Pawos 60

(1) Kasinanggeh cuntaka kadi ring sor :

- a. Cuntaka antuk kalayu sekaran.
- b. Cuntaka antuk ngaraja swala
- c. Cuntaka antuk ngembas putra
- d. Cuntaka antuk karuron
- e. Cuntaka antuk sakit ila
- f. Cuntaka antuk pawiwahan
- g. Cuntaka antuk gamia gamana
- h. Cuntaka antuk salah timpal
- i. Cuntaka antuk yaning anak istri mobot tan kaupakarain pabyakala miwah pawiwahan.
- j. Cuntaka antuk mamitra ngalang
- k. Cuntaka antuk yaning wenten putra embas tan malarapan pawiwahan
- l. Cuntaka antuk sad atatayi.

(2) Sengker cuntaka manut kawentenannya :

- a. Cuntaka antuk kalayu sekaran, cuntakania kaanutang ring loka dresta miwah sastra Agama
- b. Cuntaka antuk ngaraja swala, salami kantun ngaraja swala
- c. Cuntaka antuk ngembas putra, salami 3 (tigang) sasih ngawit sakeng putrane embas sane istri, sane lanang 12 (roras rahina)
- d. Cuntaka antuk karuron, cuntakania 42 (petang dasa kalih) rahina tur sampun maparayascita.
- e. Cuntaka sakit ila, manut ilikita pastika sakeng sang ngawawenang lan sampun maparyascita raga
- f. Cuntaka antuk pawiwahan, cuntakania ngantos sesampune upacara makala-kalan.

- g. Cuntaka antuk gamia gamana, cuntakania ngantos kapalasang tur sampun maparayascita raga lan maparayascita Desa.
- h. Cuntaka antuk salah timpal, cuntakania sesampun Kalaksanayang upacara manut sastra Agama
- i. Cuntaka antuk istri mobot
- j. Cuntaka antuk mamitra ngalang
- k. Cuntaka antuk ngembasang putra sane nenten maupkara pabyakawonan miwah pawidiwidanan, cuntakanya ngantos wenten memlara sang putra tur sampun kawentenang upakara manut sastra Agama.
- l. Cuntaka sad atatayi

Palet 4

Indik Manusa Yadnya

Pawos 61

- (1) Manusa Yadnya inggih punika sahananing upacara Dharmaning Manusa, ngawit sakeng patesoning kama bang kalawan kama petak sajeroning garba, salawasnya maurip.
- (2) Upacara ring ajeng madudonin sakadi ring sor :
 - a. magedong-gedongan duk rarena kanton sajeroning garba (garba dhana).
 - b. Maupa ayu duk rare mau embas (jatakarma)
 - c. Ngelepas brata duk rare kepus odel.
 - d. Mayusa 12 (roras) rahina
 - e. Tutug kambuhan 42 rahina
 - f. Nelu bulanin (tigang sasin) (miskarmana)
 - g. Aoton 6 (enem) sasin
 - h. Tumbuh untu (ngempugin)

- i. Makutang bok (tigang weton)
 - j. Makupak (maketus untu)
 - k. Mungguh deha utawi teruna
 - l. Mapandes (matatah)
 - m. Pawiwahan
 - n. Pawintenan
- (3) Upacara inucap ring ajeng nganutin sastra Agama, nista, madya, utama, pamargine nganutin dresta ring Desa Adat Keliki Kawan.
- (4) Upacara-upacara ring ajeng ngangge upasaksi sekala niskala.

Palet 5

Indik Bhuta Yadnya

Pawos 62

- (1) Bhuta Yadnya inggih punika : sahananin upacara lan upacara Pabyakala ring Pratiwi lan Kahyangan miwah sarwa prani saha upacara-upacara ring babutan, luwire :
- a. Upacara Yadnya sesa/majot-jotan/mabanten saiban.
 - b. Upacara pacaruan luwire :
 - 1). Eka sata
 - 2). Panca sata
 - 3). Panca sanak
 - 4). Resi gana
 - 5). Tawur agung
 - 6). Panca kelud
 - 7). Malabuh gentuh
 - c. Nyabran Tilek Kasanga kawentenang "Tawur Kasanga" ring Pempatan Desa Adat Keliki Kawan. Ageng caru manca sata utawi manca kelud yaning wenten durbiksa jagat

tur pamangku nunas tirta ring Catur Bwana.

d. Pacaruan sasih kamargiang satunggal asasih ritatkala Tilem ngawit Tilem sasih ke 5, 6, 7, 8 lan 9, sajawanin wenten durbiksan jagat.

e. Sajeroning munggah ring ajeng malih wenten pabiyakala marep ring manusa.

f. Masapuh-sapuh rikala pacang wali ring pura.

(2) Upacara pabya kalaan ring sarwa prani, sarwa tamuuh lan piranti luwire :

a. Ring sarwa lelandep rikala Tumpek Landep (saniscara kliwon, Landep)

b. Ring sarwa tamuuh rikala Tumpek Pengatag (saniscara kliwon, Wariga)

c. Ring sarwa Syandana rikala Tumpek Kuningan (saniscara kliwon, Kuningan)

d. Ring sarwa unia-unian (gong) rikala saniscara kliwon, Krulut.

e. Ring sarwa ingon-ingon/wewalungan rikala Tumpek Andang (saniscara kliwon, Uye)

f. Ring sarwa Reringgitan rikala Tumpek Wayang (saniscara kliwon, Wayang)

Pawos 63

upcara Tilem Kasanga (Tawur Kasanga) patut kalaksanayang kadi ring sor :

a. Pacaruan Tawur Kasanga kawentenang ring pempatan Desa Adat Keliki Kawan.

b. Ring soang-soang paumahan nganutin pituah Prajuru miwah PHDI.

c. Ngawentenang pangerupukan mabuu-buu kapidabdab' olin
Prajuru muah Pacalang.

d. Ring rahina Panyepian patut negamargiang Brata Panyepian
sakadi :

1). Amati Geni, tan kengin maapi-api

2). Amati Karya, tan kengin nyambut karya.

3). Amati Lalungan, tan kengin malelancaran

4). Amati Lelanguan, tan kengin maoneng-onengan miwah
mazuara gora.

e. Brata panyepian kamargiang saking semeng ngantos semeng
benjangne.

f. Sane mamurung Brata Panyepian patut keni pamidanda manut
pararem, sajawaning sane polih uwak-wakan sangkanin
kakobetan, minakadi sakit, madua anak alit, saha
pamarginya manut pituduh sang ngawewenang, sang kakobetan
patut masadok ring prajuru.

g. Ritakala pangembak Brata Panyepian maelina antuk suaran
kulkul.

h. Riwas rahina Nyapi (benjangne) maka elina pangawit leaka
warga, patut warga Desa sami ngalaksanayang Dharma Santhi.

i. makiyis/molis, manut tata tata dresta.

j. Rawuh saking makiyis/molis Ida Bhataru nyejer di tate
agung Desa Adat keliki kawan.

S A R A N V
SUKERTA TATA PAWONGAN

Palet 1
Indik Pawiwahan

Pawos 64

- (1) Pawiwahan inggih punika panunggalan purusa lan pradana (lanang lan istri) malarapan antuk kayun suka lila kadulurin antuk upacara sakala lan niskala.
- (2) Pidabdab pawiwahan ring Desa adat keliki kawan, ngamanggehang pamargi purusa sane ngalap rabi, tur kapaumahan ring purusa.
- (3) Pamargin pawiwahan wenten palih-palihan ipun luwira :
 - a. Pepadikan (kamanggala antuk pakrunayan)
 - b. Marangkat (ngarorod) mamargi riin sasillbin was punika wawu kakrunayang
 - c. Nyeburin utawi nyentana rajeg : sang waden maraga purusa karajegang Santana marap sane lanang mapragayan istri.
- (4) Pidabdab sang pacang mawikaha luwira :
 - a. Sampun munggah dahi taruna, yan wantan marasidayang mangsa ngawito Undang-undang sang ngawawanang (undang-undang no. 1 tahun 1974, PB no. 2 Tahun 1975).
 - b. Sangganin pada lila tan kapaksa.
 - c. Yan ngambil silih agama satuk kamanggala antuk banten suci wadani.
 - d. Yan ngambil singgihan mangsa satuk ngalaksanayang upacara pati wangi (upakarannya kamanglang ring Pura Bale Agung).

Pawos 65

- (1) Pawiwahan sane kapatutang ring Desa Adat Keliki Kawan luwire :
- a. Sampun mawidi widana, puput olih Pandita utawi Pinandita.
 - b. Kasaksinin olih Prajuru adat.
 - c. Sampun munggah ring ilikita Desa Adat utawi ring sang ngawewenang.
 - d. Matengeran suaran kulkul.
 - e. Tan gamia gamana.
- (2) Pawiwahan sane tan manut kadi ring ajeng kabawos tan patut utwai tan sah.

Pawos 66

Tata cara parabian ring Desa Adat Keliki Kawan sakadi ring sor :

- a. Sang pacang marabian (ngawarangang) kaluwargannyane patut masadok ring prajuru.
- b. Pamargin papadikan :
 - 1). Makruna ping tiga utawi sanistane ping kalih manutpaiguman kulawargania, masrana antuk canang pangrawos.
 - 2). Yan ritatkala pangambilan, wargan sang pradana patut ngarawuhang Bendesa Adat utawi Prajuru pinaka saksi.
- c. Prade merangkat utawi ngerorod, sang sane ngambil anak istri patut ngamargiang sakadi ring sor :
 - 1). Reraman lanange mapisedek tan kasepan ring awengi masrana suar lan canang pangrawos, sajawaning ngalangkungin segara.
 - 2). Reraman wadone ngawentenang patetes kasarengin olih

- 2). Reraman wadone ngawentenang patetes kasarengin olih Prajuru Desa.
 - 3). Reraman lanang mapisedek ring reraman wadone nganinin padewasaan pawiwahan.
 - 4). Makta pejati ring pumahan sang wadon manut dresta.
 - 5). Tan kapatutang ngranjangan pekaranagn anak tiosan sadurung upacara marebu
- d. Wus pangambilan yan sampun manut, wargan sang istri mapisedek ring Bendesa Adat utawi Prajuru juga nyuarayang kulkul.
- e. Sajeroning pakruman/pangelukuan patut :
- 1). Kariyinin antuk gang pangampura arep ring reraman wadone.
 - 2). Kaigum bawos Indik pakilih utawi palagayan arep ring pangonakan sang ngidih saha dewasa pakrabkambe riwekas.
 - 3). Kacihnayang indik kapura utawi prade Santana rajeg kajejerang, kapatut ngidih anak lanang sane kabawos pawiwahan nyeburin tur punika kamanggahang "Santana Nyeburin".
 - 4). Prade jantos ping tiga pakruman tan katemuin saking kulawarga wadone, babawosan kapuputang olih Prajuru/dulun Basa Adat lan kakaryanang surat pernyataan upacara raris kelaksanayang.
- f. Pakrabkambean mapiteges upacara tumas apadang (puput) duaning manut ring ant :
- 1). Sajeroning kabawos amba, kelaksanayang ring niskala antuk sarana jagauman pinaka ngamba/ngadungang kayun soang-soang pakaluwangan wadone.
 - Widi widana pinaka pejati niskala nunas wadone ring

Pamerajan Pamulannya.

- 2). Sajeroning bawos kerab pelaksana ring sekala : antuk pasaksi Prajuru/dulun Desa dwanin kakerabin antuk tengeran kulkul.

Pamekas paseksi Prajuru/dulun Desa saha ngilikitayang

- g. Yaning wenten jadma ngambil istri ngunggahang, kengin sang sane ngambil mapisedek ring Bendesa Adat, nunas mangda mapisedek ring sang madruwe oka istri, taler kawehin rerepi antuk sang alaki rabi. Kalanturang wadone kaupacara patiwangi, katodya antuk Prajuru Desa, wus punika wawu pabyakala lan sane sewosan.
- h. Yan wenten wong Jura negara ngambil istri sakeng wewidangan Desa Adat keliki kawan patut wong inucap naur panumbas suaran kulkul manut pararem.

Pawos 67

- (1) Yaning wenten jadma istri dahan mobot patut digelis masadok ring Prajuru tur Prajuru mastikayang bobotnia, saha sang sane mobotin patut ngangkenin prade tan ngangkenin katur ring sang ngawewenang.
- (2) Prade tan wenten ngangkenin bobotan sang mobot kulawargannyane patut keni pamarayascita ring Desa Adat lan keni pamiadanda manut pararem tur rane kaupacarain manut sastra Agama.

Palet 2
Indik Nyapihan

Pawos 68

- (1) Sang wusan marabian (palas) tan sida malih satinut alaki rabi kabawos sapihan. Yan marabian sangkanin seda silih sinunggil kabawos balu lanang utawi balu istri.
- (2) Tata cara palas marabian mawiwit sangkaning wicara :
 - a. Patut atur supekta riin ring sang Rumawos mawastu tinas kabawos nyapihan.
 - b. Risampune wenten pamutus ring sang rumawos, raris kasobyang ring pakraman Desa Adat saha keni panebus suaran kulkul manut pararem.
 - c. Ngaweruhin miwah ngupa jiwa in prati Santana manut swadramaning Guru Rupaka.
 - d. Nawur prabya pasaksi niri-niri sami matenga.

Pawos 69

- (1) Prade wenten nyapihan, artha brana pagunakayaan sane lanang polih kalih pah-an, sane istri polih apah-an sajabanin tetadahan utawi pabekel kakuasa niri-niri miwah warisan kakuasa olih purusa.
- (2) Yan riwekas sang nyapihan malih adung, patut :
 - a. Ngelaksanayang pawiwahan malih.
 - b. Kadenda nikel saking palas riyin.
 - c. Prade balu langkungin ring ping kalih patut maparayascita raga.

Pawos 70

(1) Sane balu kabinayang dados :

- a. Balu luh wit Santana (sentana rajeg) miwah balu luh boya prati sentana.
- b. Balu muani kapurusan (wit sentana) miwah balu muani nyeburin (boya sentana).

swadarmaning balu :

a. balu luh, katinggal lampus antuk lanange utawi balu sane pecak nyeburin patut ngamargiang swadarma sakadi ring sor:

- 1). Ngamangehang kapatil bratan tan dratikarma.
- 2). Ngraksa tur ngutsahayang lan miara sahananing warisan lan santanannia.
- 3). Tan dados ngadol, ngadeang, makidihang warisan sadurunge polih uwak-wakan sakeng santanane muwah kulawarga rabine saking purusa.
- 4). Kadadosang mawiwaha malih yan polih uwak-wakan sakeng Santana miwah kulawarga rabine saking purusa.

b. Sang balu sane tan'pageh ring swadarma luwire :

- 1). Matingkah Drati Karma miwah sane sewosan.
- 2). matilar sakeng pakubon tanpa sadok kantos langkung 6 (enem) sasih.
- 3). Lempas ring swadarmaning balu, utawi iwang prawerti.

c. Sang balu sane tan pageh kecaping ring ajeng wenang katundung olih kulawarga sang purusa, saha tan polih pah-pahan waris utawi guna kaya.

d. Prade wenten balu tanpa Santana katundung olih wargania kapurusa patut polih pah-pahan paguna kaya.

e. Balu wenang utawi dados mawiwaha malih yan sampun wenten paiguman ring sentanannia utawi kulawarga sang purusa.

f. Prade wenten balu tan madruwe sentana, dados ngangkat

santana yaning sampun wenten paiguman duke lanange kanton urip utawi nyeneng malarapan Tri Pramana (bukti, saksi, ilikita).

Pawos 71

krama sane dados mawiwaha/maparabian langkungin ring apisan sane manut sakadi ring sor :

- a. Sangkaning palas marabian pecak
- b. Sangkaning sinalih tunggil wong marabian lanang utawi istri padem.
- c. Sang lanang/istri sungkan tahunan, kasinanggeh tan nganutin pati bratan satiyeng laki.
- d. Tan prasida ngawetuang pretisentana
- e. Sampun kasungkemin olih sang istri pinih ajeng.

Palet 3

Indik Sentana

Pawos 72

- (1) Mungwing Santana wenten kaucap : prati santana rajeg lan Santana paperasan.
- (2) Preti Santana punika : Santana sane metu saking pawiwahan sane patut.
- (3) Yan wenten parabian sane tan manut ngantos ngawetuang Santana mangda tan kaucap astra utawi babinjat, patut kamanggala antuk upacara paperasan miwah kaprayascita ring Pura Desa/Bale Agung.
- (4) Prade pawiwahan tan ngawetuang Santana, kangkat ngidin Santana paperasan sana malikikayang ring sang ngawewenang.

- (5) Santana Rajeg Inggih punika : perti Santana wadon sane kamanggahang lanang (purusa) tur sampun ngelaksanayang pawiwahan kacabulin.
- (6) Sang dados wong jagat Santana Rajeg Inggih punika :
- a. perti Santana wadon, patut karajegang wantah adiri.
 - b. sampun kamanggahang dados perti Santana lanang (purusa).
 - c. pawiwahan kacabulin, kautamayang antuk jadma sane manggama Hindu utawi jadma sane manggama sewosan sane sampun ngelaksanayang upacara sadi wedani.
 - d. sane ngemanggahang Santana Rajeg patut masadok ring Prajuru saha Prajuru patut nyobyahang ring pakraman dawa fidat.

Pawos 73

- (1) Yan wonten sinalih tunggil Krama desa jagi ngangkat Santana patut ngamangiang upacara pamerasan, saha masaksi sekala lan niskala.
- (2) Sapa kida ngi pacang ngidih Santana patut masadok dumun ring Prajuru.
- (3) Prajuru digelis nyobyahang ring Krama sami, sang rumasa lan lila patut nyadegang ring Prajuru sajeroning asasih saderep upacara pamerasan, Prajuru ngiconin pamutus dados, utawi lan dados upacara pamerasan kelaksanayang.
- (4) Prade sulur pamerasan lan mantul sakadi kocap ring ajeng. Prajuru wening ngandak sang pacang mameras saha ngiconin komunitas mangda kaperluang umum wisarany.

Pawos 74

- (1) Sane patut kaperas anggen santana kadi ring sor ;
 - a. Sang kaperas kapatut maAgama Hindu
 - b. Kautamayang saking waris pancer kapurusa.
 - c. Sinalih tunggil saking kulawarga tunggal sanggah utawi Marajan, paibon lan dadia.
 - d. Yaning tan wenten saking pancer kapurusa manut kadi ring ajeng kengin mawiwit kulawarga wadon.
 - e. Yaning tan wenten sakadi ring ajeng, dados ngidih anak yaning tan wenten kakobetan.
- (2) Paperasan punika sinanggeh sampun puput tur patut yaning sampun macihna :
 - a. Wenten pasadok ^{aning} sang ngawewenang
 - b. Mawidi-widana paperasan.
 - c. Kasaksiang olih Bendesa Adat utawi Prajuru saha kasobyahang ring paruman Desa.
 - d. Wenten ilikitanya sakeng ngawewenang.
- (3) Yaning jagi wenten ngawewenang paperasan kapatutang nyelosang tategenan sang ngidih.
- (4) Yaning pacang meras santana sakeng waris pancer kapurusa, kawenangan yadin sampun mawiwaha.
- (5) Meras santana langkungan adiri lanang wiadin istri.

Palet 4

Indik warisan

pawos 75

- (1) Sane kasinanggeh warisan inggih punika : warisan utawi tetamian artha brana saha ayah-ayahan ngupadi kasukertaan sekala lan niskala, saking kaluhurannya

marepe ring turunannya/perti santananya.

- (2) Sane kaucap warisan luwire :
 - a. Duwe tengah, karang, pamrajan.
 - b. Pagunakayan, tetatadan, jiwadana lan utang piutang.
 - c. Tategenan utawi ayah-ayahan.
 - d. Lan sapanjunggilanipun.
- (3) Sane kabawos ahli waris inggih punika :
 - a. Perti santana lanang.
 - b. Santana rajeg.
 - c. Santana paperasan lanang utawi wadon.
- (4) Prade tan wenten sakadi ring ajeng, kasinanggeh ahli waris luwire :
 - a. Turunan purusa pernah kasamping minakadi, kaponakan, misan, mindon.
 - b. Turunan pernah ngunggahang makadi : rarama, rarama dia, padadian.

Pawos 76

- (1) Swadarmananing ahli waris patut nerima saha nguasayang tatamian ayah-ayahan saking kaluhurannya makadi ngempon sanggah, Marajan, Pura dadia, Pura Kahyangan saha pakarangannya.
- (2) Ngabenang sang pawaris saha ngalanturang upacara Pitra Yadnya sapatutnya.
- (3) Naurin utang piutang pawaris pamekas utang ring Desa, wiadin utang ring Pura, lan utang sane sewosan.

penting

Pawos 77

- (1) pangepahang warisan kangkat ngamargiang kadi ring sor :
 - a. Risampun ngalaksanayang Pitra Yadnya lan utang piutang pawaris buntas katawur.
 - b. Warisan sangkaning karang ayahan Desa kaemong olih ahli waris sane kasinanggeh Krama Pangarep.
- (2) Sinalih tunggil ahli waris ring ajeng tan polih pah-pahan warisan prade ipun :
 - a. Alpaka Guru Rupaka.
 - b. Santana Rajeg sane sampun kesah mawiwaha.
 - c. Santana sane mawiwaha nyeburin kebawos ninggal kedaton.
 - d. Ahli waris sane ninggal kawitan lan Agama Hindu.
- (3) Yaning wenten santana wadon ngalaksanayang lokika sang graha mawastu madrebe pianak, kengin pianak punika ngawarisin pagunakayan raramane wadon kemawon.
- (4) Sane tan kangkat ngawaris :
 - a. Balu wadon
 - b. Balu lanang sane ngawit pawiwahan nyeburin
 - c. Sang mulih daha utawi teruna, saantukan ring pawiwahan dumun sampun kaucap ninggal kedaton.
- (5) Sakantune maurip rarama kangkat ngewin jiwa dana tetatadan, utawi bekal makacihna paweweh ring okane sane kesah mawiwaha.

pawos 78

Prade sajeroning kulawarga wenten ahli waris langkung ring adiri patut :

- a. Kawentenang kaiguman indik waris inucap.
- b. Yaning tan sida kapuputang, katunasang tatimbang ring

prajuru, taler yan tan lila kengin nunasang ring sang rumawos (sang angawerat).

Pawos 79

prade wenten karang kaputungan, wenang Bendesa Adat mawosin tur nureksain sila-silanya saha niwakang karang punika ring :

- a. Waris saking kapurusa.
- b. Papernahan kasamping, yaning tan wenten papernahan kapatutang ring padadian manut raruntutannya.
- c. Yaning tan wenten kecaping ring ajeng wawu katiwakang ring sang tan madruwe paumahan sane kasinanggeh ngarep mapatunggalan Desa Adat Keliki Kawan sakewanten maAgama Hindu.

S A R G A VI
WICARA LAN PAMIDANDA

Palet 1

Indik Wicara

Pawos 80

- (1) Sane wenang mawosin makadi mutusang wicara ring Desa Adat Keliki Kawan inggih punika : Prajuru sane kasinanggeh Kertha Desa.
- (2) Pamutus/panepas, nganutin Awig-awig Desa, patitis lan pamikukuh Desa.
- (3) Prade sang mawicara tan wenten cumpu ring pamutus kerta Desa, kengin nunas wicara inucap ring sang rumawos.

Pawos 81

- (1) Sahanan wicara sane mawiwit sakeng laksana corah, tungkas ring daging Awig-awig sane mawasana ngaroara jagat, patut digelis kabawos olih Prajuru Desa tur keni pamidanda manut pararem.
- (2) Sajabanin wicara sakadi kecap ring ajeng, patut nyantosang pasadok sakeng sang pacang nunas bawos.
- (3) Penapase patut pastika nyantenang iwang patut malarapan Iri Pramana (bukti, saksi ilikita) muah tan maren nepek ring Catur Dresta (Sastra Dresta, Purwa Dresta, Loka Dresta, Desa Dresta)

Palet 2

Indik Pamidanda

Pawos 82

- (1) Krama Desa wenang niwakang pamidanda ring Krama Desa sane sisip.
- (2) Paniwak pamidanda inucap kalaksanayang olih Bendesa Adat utawi Kelihan Banjar
- (3) Bacakan pamidanda luwire :
 - a. Ayah-ayahan panukun kasisipan.
 - b. Danda artha.
 - c. Kanorayang.
 - d. Panyanggaskara
- (4) Geng alit pamidanda sane katiwakang, patut masor singgih manut kasisipannya, tur pamutus inucap mangda ring sajeroning paruman Desa/Banjar.
- (5) Sahananin jinah utawi raja brana wit saking pamidanda, ngranjing dados druwen Desa.

Pawos 83

- (1) Yaning wenten sinalih tunggil Krama mautang ring Desa/Banjar saking paturunan, yan tan nawur manut sengker, wenang keni panikel.
Taler tan nawur masengker 3 (tigang) rahina wenang karampas.
- (2) Yaning utang punika mawiwit saking dadosan, matatumbasan lan pamidanda yan tan nawur manut sengker wenang keni panikel, taler tan nawur masengker asasih wenang karampas.

- (3) Tata cara ngalaksanayang rarampasan sakadi ring sor :
- a. Maduluran antuk piteket saking Prajuru marep ring sang pacang karampas.
 - b. Pamargin ngarampas kalaksanayang olih Prajuru kasarengin antuk Krama Desa/Banjar sakuehnya 10 (dasa) diri pinaka saksi.
 - c. Sang ngarampas mangda sangkanin darsana, ngambil rarampasan utawi nyawenin barang utawi tanem tuwuh, lan wewalungan manut ring utang sang karampas.
 - d. Rarampasan kaunggahang ring ilikita tur kasaksinin olih Krama.
 - e. Prajuru miteketang ring sang karampas mangda digelis nebus druwene sadurung waneng asasih.
 - f. Yaning sampun asasih tan nenten katebus, wenang kalelang. Lelangan punika kaanggen nuku utangnya ring Desa, Banjar, tur kawewehin solasan, sisannyane kawaliang ring sang karampas.
 - g. Tan kapatutang/tan wenang ngerampas saluiring barang sane kasuciang manut Agama miwah mademang pangupajiwa karampas.

Pawos 84

- (1) Prade sang karampas ngawara utawi ngalengin inucap, mawastu tan nganutin daging Awig-awig lan lempas ring swadarmaning Krama, jadm inucap wenang kadaut pipilnia ring Desa/Banjar antuk 1 krama. wong inucap kabawos nora, tan polih pangayoman Krama Desa/Banjar tur tan kadadosang ngangge sahannanin sarana sane kadruwe olih Desa sane wenten ring wawidangan Desa Adat Keliki Kawan.

(2) Pamidanda sisip sakadi ring ajeng prasida purna buntas,
yan sang sang sisip sampun :

- a. Nunas geng pangampura ring Krama Desa/Banjar riantukan
purun nguak pasubaya maduluran antuk banten pras
pajati panyasap kasisipan.
- b. Nawur pamidanda panguak pasubaya geng artha duk pacang
karampas tur paweweh solasan manut laminya mautang tur
jadma inucap mawali katerima sakadi Krama Desa/Banjar.

S A R G A VII
NGUWAH NGUWUHIN AWIG-AWIG

Pawos 85

- (1) Nguwah kalih nguwhin Awig-awig patut kalaksanayang antuk paruman Desa Adat.
- (2) Paruman inucap patut kadasarin antuk gilik saguluk miwah pamargin pararem Krama Desa sumuyub jaga nguah kalih nguwhin manut pabuatnia.
- (3) Pamutus pabawos prasida puput yan sampun Krama gilik saguluk

Pawos 86

Wiwit paruman nguwah nguwhin Awig-awig kadi ring ajeng kengin kamedalang antuk I Bendesa, Krama niri-niri sinarengan.

S A R A VIII
P A M U P U T

Pawos 87

- (1) Awig-awig puniki kawastanin Awig-awig Desa Adat Keliki Kawan.
- (2) Awig-awig puniki kamargiang ngawit saking kararemin olih Krama Desa Adat Keliki Kawan.
- (3) Awig-awig Desa Adat Keliki Kawan puniki, manggeh tur kalaksanayang ring sajeroning wawidangan Desa Adat Keliki Kawan.
- (4) Awig-awig Desa Adat Keliki Kawan puniki, nganinin sahanan sane kakuwub antuk Desa Adat Keliki Kawan.

Pawos 88

- (1) Saluirin pamargi sane wenten sadurung Awig-awig puniki kasungkemin prasida mamargi sapatutnia kaanutang ring Awig-awig puniki.
- (2) Saluirin pamargi sane durung kabawos/durung munggah ring sajeroning Awig-awig puniki patut kalaksanayang manut tata cara sane sampun ketah mamargi kadulurin antuk pararem Desa Adat.

Pawos 89


- (1) Awig-awig puniki kasungkemin duk paruman Krama Desa Adat Keliki Kawan, duk rahina Wraspati Pancawara Kliwon, Wuku Wariga Penanggal 4 Sasih Sadha Isaka Warsa 1918, tanggal 4 Juni 1996.

- (2) Awig-awig Desa Adat puniki kalingga tanganin olih Prajuru
Desa Adat kasaksinin olih Prajuru Dinas pinaka saksi.
- (3) Luir sang ngalingga tanganin :

a. Prajuru Desa :

1. Bendesa Adat
Keliki Kawan

2. Panyarikan



I Wayan Jiwa Asmara


I Made Sada

3. Kelihan Banjar Keliki Kawan

I Gusti Putu Suartana

b. Prajuru Dinas maka saksi :

1. Kepala Dusun Keliki Kawan



I Gusti Putu Suartana



Kepala Desa Kelusa

Ida Bagus Ade Bujana

3. Camat Payangan

I Wayan Suila BA.
Nip. 600005503